

S U    E R A N U

Su 'eranu adeccollu torrare  
finida s'invernale istagione;  
sa rundinella torrat a cantare,  
e cantat cun issa 'ogni puzzone.

Cuminzat da-e nou a isbocciare  
rosa e gravellu in unione;  
ancora sa candida giunone  
su coro a s'amante solet dare.

Si miro sa campagna curigliana  
frisca e de fiore arricchida,  
cun s'aria pura, mite a sana  
a sa malaidu allargat sa vida;  
abba frisca b'hada in sa funtana  
dolzura 'e primavera florida.

Chelugiaru

## S' I S T I U

Cantada cudd'areste turturella,  
torrada de s'istiu su calore;  
messat fin'a notte a lugh' 'e istella  
su massaggiu, in campu, su laore.

Cun b'ama in sa pianta prus bella  
meriat in montagna su pastore;  
de flores adornad' est sa cappella,  
siccande 'atit semenza su fiore.

Cumprida sa frutta 'ogni pianta  
sa campagna in tottu nd'est piena,  
a s'arbore, frisca e bona tanta.

De sa merula cuntentes' amena  
bi faghet su nidu, inie canta (t)  
s'affiancat de frutta, s'igalena (t).

Chelu giaru

A Nostra Signora de su Rimediù

Maria de su rimediù sinzera

ses de su chelu rara virginella,  
de Cristos potente sa mamma vera,  
giara, luminosa, pura istella.

Dughes che-i s'oro in sa cappella,

de su Divinu sa Rejna altera.

Maria ses deliziosa e belle  
cùstu mundu governa e impera.

A tie s'invocat dogni cristianu;

ca ses de candore veru accisu,  
de 'ogni populadu tene pena.

A chie t'implorat cun sentidu sanu,

Rejna c'has valore in paradisu,  
sa terra li rende pius amena.

Chelugiaru